



Broj: 05-2-1954-17/25

Sarajevo, 01.12.2025. godine

Na osnovu člana 68. stav (1) stav (4) tačka (i) i (j), člana 69. stav (1) tačka (b), Zakona o javnim nabavkama („Službene novine BiH“, br.: 39/14, 59/22 i 50/24), te na osnovu Preporuke Komisije za javnu nabavku broj: 05-2-1954-16/25 od 01.12.2025. godine, dekan Univerziteta u Sarajevu – Fakultet zdravstvenih studija donio je:

ODLUKU

o poništenju postupka javne nabavke roba

LABORATORIJSKI POTROŠNI MATERIJAL

Član 1.

Poništava se postupak javne nabavke pokrenut putem otvorenog postupka u predmetu br.: 05-2-1954/25 koji se odnosi na nabavku roba – **Laboratorijski potrošni materijal** iz razloga što izabrani dobavljač ENA d.o.o. Sarajevo nakon dostavljene Odluke o izboru najpovoljnijeg ponuđača u ovom postupku je dostavio informaciju da ENA d.o.o. Sarajevo nije u mogućnosti da isporuči ponuđene proizvode zbog zabrane Inspektorata Agencije za lijekove i medicinske proizvode. Ponuđeni proizvodi mogu biti isporučeni samo zdravstvenim ustanovama, nikako naučno-istraživačkim ustanovama. Odluka o izboru najpovoljnijeg ponuđača broj: 05-2-1954-12/25 od 11.11.2025. stavlja se van snage.

Član 2.

Ova Odluka objavit će se na web-stranici www.fzs.unsa.ba u skladu sa članom 70. stav (6) Zakona o javnim nabavkama („Sl. glasnik BiH“, br.: 39/14, 59/22 i 50/24).

Član 3.

Za izvršenje ove Odluke zadužuje se Služba za plan, analizu, investicije i javne nabavke Univerziteta u Sarajevu – Fakulteta zdravstvenih studija.

Obrazloženje

Ugovorni organ Univerzitet u Sarajevu – Fakultet zdravstvenih studija pokrenuo je postupak javne nabavke Laboratorijski potrošni materijal, evidencioni broj: 05-2-1954/25 Odlukom o pokretanju broj: 05-2-1954-3/25 od 07.10.2025. godine.

Komisija za javnu nabavku imenovana je Odlukom broj: 05-2-1954-4/25 od 07.10.2025. godine.

Procijenjena vrijednost javne nabavke iznosi 15.000,00 KM bez PDV-a.

Javna nabavka pokrenuta je putem otvorenog postupka.

Komisija za javnu nabavku je blagovremeno i pravilno postupila u predmetnoj nabavci, a što je konstatovano u Zapisniku sa otvaranja ponuda u kojem je utvrđeno sljedeće:

- S obzirom na to da je pristigla 1 (jedna) blagovremena ponuda E-aukcija se ne može zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 80/23), nego se postupak okončava u skladu sa članom 69. Zakona.

Nadalje, u toku provođenja postupka, dekan Univerziteta u Sarajevu – Fakulteta zdravstvenih studija nije našao razloge, nepravilnosti niti propust u radu Komisije koji bi eventualno bili osnov za neprihvatanje Preporuka Komisije za nabavku.



Shodno navedenom Komisija je prema utvrđenom kriteriju ekonomski najpovoljnije ponude tehnički zadovoljavajuće ponude dala preporuku dekanu Univerziteta u Sarajevu - Fakulteta zdravstvenih studija da se u predmetu nabavke roba: Laboratorijski pribor i posuđe, donese Odluka o izboru najpovoljnijeg ponuđača ponuđaču ENA d.o.o. Sarajevo čija cijena ponude iznosi 14.320,00 KM bez PDV-a odnosno 16.754,40 KM sa PDV-om. Odluka o izboru najpovoljnijeg ponuđača kao i Zapisnik o ocjeni ponuda je dostavljen izabranom ponuđaču.

Izabrani dobavljač dostavlja mail od 19.11.2025. gdje navodi da određene stavke iz ponude nije u mogućnosti isporučiti jer su iste namijenjene samo za prometovanje sa bolničkim apotekama/zdravstvenim ustanovama.

Služba za plan, analizu, investicije i javne nabavke Univerziteta u Sarajevu – Fakulteta zdravstvenih studija dana 28.11.2025. šalje upit mailom izabranom ponuđaču da se izjasni vezano za dalju realizaciji potupka i zaključenje Okvirnog sporazuma na 24mj. i isporuku 100% stavki po specifikaciji kako je planirano u postupku javne nabavke. Istog dana izabrani ponuđač ENA d.o.o. Sarajevo dostavlja odgovor mailom da nije u mogućnosti isporučiti ponuđene proizvode zbog zabrane Inspektorata Agencije za lijekove i medicinske proizvode. Ponuđeni proizvodi mogu biti isporučeni samo zdravstvenim ustanovama, nikako naučno-istraživačkim ustanovama.

Na osnovu navedenog, s obzirom da je pristigla samo jedna (1) blagovremena ponuda, postupak javne nabavke **Laboratorijski potrošni materijal** se poništava.

U postupku je utvrđeno da je Komisija u svemu pravilno postupila te da je preporuka o poništenju postupka javne nabavke data u skladu sa Zakonom o javnim nabavkama, podzakonskim i internim aktima i tenderskom dokumentacijom. Iz navedenih razloga primjenom člana 68. stav (1) i člana 69. stav (1) Zakona o javnim nabavkama, te Poslovniku o radu komisije za nabavku broj. 05-2-1954-5/25 od 07.10.2025. odlučeno je kao u članu 1. ove Odluke.

POUKA O PRAVNOM LIJEKU: Protiv ove odluke može se izjaviti žalba najkasnije u roku od 10 (deset) dana od dana prijema od ove odluke.

Sekretar Univerziteta u Sarajevu – Fakultet zdravstvenih studija potvrđuje da je Odluka u skladu sa zakonskim i podzakonskim propisima koji su na snazi, te da je dekan nadležan za donošenje iste, shodno članu 71. Zakona o visokom obrazovanju („Sl. Novine KS“; broj 36/22).

Amela Jašarević, sekretar

Dekan

Prof. dr. Arzija Pašalić



Dostaviti:

- Web portal e-nabavki
- Web portal Fakulteta
- a/a